



Broj: 05-24-5329-1/17
Datum: 07.04.2017. godine

Na osnovu člana 54. Zakona o poljoprivrednom zemljištu („Službene novine Federacije BiH, broj: 52/09), član 2. stav (1) tačka b) Odluke o korištenju sredstava prikupljenih od naknada za promjenu namjene poljoprivrednog zemljišta („Službene novine Zeničko-dobojskog kantona, broj: 5/15), Programa utroška sredstava za uređenje poljoprivrednog zemljišta u 2017. godini broj: 02-14-4126/17 od 23.03.2017. godine, te Uputstva o korištenju sredstava za uređenje poljoprivrednog zemljišta prikupljenih od naknade za promjenu namjene poljoprivrednog zemljišta broj: 05-24-5329/17 od 07.04.2017. godine (u daljem tekstu: Uputstvo), Ministarstvo za poljoprivredu, šumarstvo i vodoprivredu Zeničko-dobojskog kantona raspisuje:

JAVNI POZIV

za podnošenje zahtjeva za ostvarenje prava korištenja novčanih sredstava
za uređenje poljoprivrednog zemljišta na području Zeničko-dobojskog kantona

I Predmet Javnog poziva

Predmet ovog Javnog poziva je prikupljanje zahtjeva za uređenje poljoprivrednog zemljišta na području Zeničko-dobojskog kantona od sredstava prikupljenih od naknada za promjenu namjene poljoprivrednog zemljišta. Novčana sredstva koriste se isključivo za uređenje zapuštenog poljoprivrednog zemljišta namijenjenog primarnoj poljoprivrednoj proizvodnji. Minimalna površina zapuštenog poljoprivrednog zemljišta koja se može prijaviti za uređenje je 0,3 hektara.

II Pravo sudjelovanja

Pravo na novčana sredstva za uređenje poljoprivrednog zemljišta imaju podnosioci zahtjeva čije se zapušteno poljoprivredno zemljište nalazi na teritoriji Zeničko-dobojskog kantona i koji imaju stalno mjesto prebivališta (fizička lica), odnosno sjedište na teritoriji Zeničko-dobojskog kantona (pravna lica).

III Uslovi za ostvarenje prava na novčana sredstva

- Uredno popuniti zahtjev i isti podnijeti na protokol Zeničko-dobojskog kantona do propisanog roka u ovom Javnom pozivu (Obrazac 1 je sastavni dio Uputstva objavljenog na web stranici Kantona www.zdk.ba),
- dostaviti traženu dokumentaciju,
- da podnosioci zahtjeva nemaju dugovanja po osnovu javnih prihoda (porezi, takse, naknade i doprinosi),
- da podnosioci zahtjeva imaju riješene vlasničke odnose (vlasništvo nad predmetnom parcelom)
- predmetna parcela mora biti dostupna (prilaz za mehanizaciju i druga vozila),
- provesti najmanje 5 (pet) predloženih okvirnih mjera uređenja,
- zasnovati primarnu poljoprivrednu proizvodnju na uređenom zemljištu.

IV Potrebna dokumentacija

Podnosilac zahtjeva u zatvorenoj koverti dostavlja slijedeću dokumentaciju (original ili ovjerenu kopiju):

a) za fizička lica

- Zahtjev (Obrazac 1) – potpuno ispunjen i potpisan od podnosioca zahtjeva,
- Lična karta i CIPS-ova prijava (CIPS ne stariji od 30 dana od dana izdavanja),
- dokaz o vlasništvu (isključivo ZK izvadak ne stariji od tri mjeseca od dana izdavanja). Ukoliko se za predmetnu parcelu ne vodi evidencija u zemljišnoj knjizi kod nadležnog općinskog suda, dostaviti posjedovni list (ne stariji od tri mjeseca od dana izdavanja) za predmetnu parcelu i uvjerenje/potvrdu nadležnog suda (ne starija od tri mjeseca od dana izdavanja) da iste nekretnine nisu upisane u zemljišnoj knjizi tog suda.

[Handwritten signature and initials]

- Kopija katastarskog plana (ne starija od tri mjeseca od dana izdavanja).
- Potvrda (garancija) općinskog organa nadležnog za prostorno uređenje da prijavljeno zemljište nije Prostornim planom određeno za građenje, uz Izvod iz Prostornog plana općine/Grad za područje na kojem se nalazi zapušteno poljoprivredno zemljište (oba ne starija od tri mjeseca od dana izdavanja).
- Analizu zemljišta urađenu od ovlaštenog laboratorija/naučno-stručne institucije za poslove poljoprivrednog zemljišta – urađena nakon objavljivanja Javnog poziva.
- Uvjerjenje Porezne uprave o izmirenim dospjelim poreskim obavezama (ne starije od 30 dana od dana izdavanja uvjerenja).

b) za pravna lica

- Zahtjev (Obrazac 1) – potpuno ispunjen i potpisan od odgovorne osobe u pravnom licu i ovjeren pečatom podnosioca zahtjeva.
- Aktuelni Izvod iz sudskog registra ne stariji od 30 dana od dana izdavanja.
- Dokaz o vlasništvu (isključivo ZK izvadak, ne stariji od tri mjeseca od dana izdavanja). Ukoliko se za predmetnu parcelu ne vodi evidencija u zemljišnoj knjizi kod nadležnog općinskog suda, dostaviti posjedovni list (ne stariji od tri mjeseca od dana izdavanja) za predmetnu parcelu i uvjerenje/potvrdu nadležnog suda (ne starija od tri mjeseca od dana izdavanja) da iste nekretnine nisu upisane u zemljišnoj knjizi tog suda.
- Kopija katastarskog plana (ne starija od tri mjeseca od dana izdavanja).
- Potvrda (garancija) općinskog organa nadležnog za prostorno uređenje da kandidirano zemljište nije Prostornim planom određeno za građenje, uz Izvod iz Prostornog plana općine/Grad za područje na kojem se nalazi zapušteno poljoprivredno zemljište (oba ne starija od tri mjeseca od dana izdavanja).
- Analizu zemljišta urađenu od ovlaštenog laboratorija/naučno-stručne institucije za poslove poljoprivrednog zemljišta – urađena nakon objavljivanja Javnog poziva,
- Uvjerjenje o izmirenim dospjelim poreskim obavezama (ne starije od 30 dana od dana izdavanja uvjerenja).
- Uvjerjenje Uprave za indirektno oporezivanje (UIO) da nema dugovanja po osnovu dospjelih indirektnih poreza (ne starije od 30 dana od dana izdavanja uvjerenja), a ukoliko nisu obveznici PDV-a dostavljaju potvrdu UIO da isti nisu obveznici (ne starija od 30 dana od dana izdavanja).
- Potvrda Ministarstva finansija Zeničko-dobojskog kantona da podnosilac zahtjeva nema neizmirenih obaveza po osnovu javnih prihoda.

V Troškovi rada Komisije, analiza zemljišta i izrade programa/projekta

Troškove rada Komisije snosi podnosilac zahtjeva. Iznos naknade za rad Komisije određena je Uputstvom i obračunava se na prijavljenu površinu. Ostale radnje vezane za izbor ovlaštene institucije za analizu uzoraka zemljišta i izradu programa/projekta obavlja stranka prema uputama koje su određene Uputstvom.

VI Iznos odobrenih novčanih sredstava

Maksimalan iznos odobrenih novčanih sredstava za uređenje zapuštenog poljoprivrednog zemljišta po jedinici površine iznosi 5.000,00 KM/ha (pethiljada konvertibilnih maraka po jednom hektaru).

VII Rok za prijavu

Javni poziv ostaje otvoren 40 (četrdeset) dana od dana objavljivanja, računajući od dana posljednje objave ovog Javnog poziva u 2 (dva) različita dnevna lista koja se distribuiraju na području Federacije Bosne i Hercegovine. Javni poziv će istovremeno biti objavljen i na web stranici Zeničko-dobojski kanton www.zdk.ba zajedno sa Uputstvom (u dijelu Javni pozivi).

VIII Način dostave zahtjeva

Zahtjevi se dostavljaju na protokol Kantona, lično ili preporučeno poštom, u zatvorenoj koverti na adresu: Kućukovići broj 2, 72000 Zenica. Na koverti napisati Ministarstvo za poljoprivredu, šumarstvo i vodoprivredu Zeničko-dobojskog kantona, Javni poziv za uređenje poljoprivrednog zemljišta – NE OTVARATI. Na koverti obavezno navesti i podatke o podnosiocu zahtjeva (Ime i prezime/naziv pravnog lica, adresa prebivališta/sjedišta, broj telefona).

Nepotpune, neuredne i neblagovremene prijave neće se uzimati u razmatranje.

Koverta mora biti zapakovana bez korištenja samoljepljive trake. U slučaju da koverta bude otvorena, otvarana, zahtjev neblagovremen isti će biti vraćen podnosiocu zahtjeva. U slučaju da je priložena dokumentacija neuredna ili nepotpuna, ista će biti vraćena podnosiocu zahtjeva uz službenu zabilješku.

[Handwritten signature]